

妙法蓮華經  
會義

普門品





妙法蓮華經會義觀世音菩薩普門品科表

甲一、問答二

乙一、長行有兩番問答

丙一、初番二

丁一、問

丁二、答三

戊一、總答

戊二、別答三

己一、約口業機明應二

庚一、明七難

辛一、火難

辛二、水難

辛三、羅刹難

辛四、刀杖難

辛五、鬼難

辛六、枷鎖難

辛七、怨賊難

庚二、結歎

己二、約意業機明應二

庚一、明三毒

庚二、結歎

己三、約身業機明應二

庚一、明二求

庚二、結歎

戊三、勸持名答三

己一、勸持

己二、格量

己三、結歎

丙二、次番二

丁一、問

丁二、答三

戊一、別答

戊二、總答

戊三、勸供養二

己一、勸供

己二、受旨六

庚一、奉命

庚二、不受

庚三、重奉

庚四、佛勸

庚五、受已轉奉

庚六、結歎

乙二、偈頌兩問兩答三

丙一、雙頌兩問

丙二、雙頌兩答二

丁一、加頌總歎行願

丁二、別頌兩答二

戊一、頌前答二

己一、頌總答

己二、頌別答二

庚一、頌七難十二

辛一、頌第一火難

辛二、頌第二水難

辛三、加頌墮須彌峰難

辛四、加頌墮金剛山難

辛五、超頌第七冤賊難

辛六、追頌第四刀杖難

辛七、追頌第六枷鎖難

辛八、加頌呪詛毒藥難

辛九、追頌第五鬼等難

辛十、加頌惡獸難

辛十一、加頌蛇蠍難

辛十二、加頌雷雨難

庚二、頌三毒二求

戊二、頌後答二

己一、正頌示現三

庚一、明身業普應

庚二、明意業普觀

庚三、明口業普說

己二、加頌顯機顯應

丙三、雙頌兩勸二

丁一、頌前番勸持名二

戊一、明境智深妙以勸常念

戊二、明感應難測以勸勿疑

丁二、頌後番勸供養

甲二、聞品功德二

乙一、持地歎證

乙二、經家述益

爾時無盡意菩薩即從座：名觀世音

佛告無盡意菩薩善男子：皆得解脫

若有持是觀世音菩薩名：威神力故

若為大水所漂稱其名號：即得淺處

若有百千萬億衆生爲求：名觀世音

若復有人臨當被害稱觀：而得解脫

若三千大千國土滿中夜：況復加害

設復有人若有罪若無罪：即得解脫

若三千大千國土滿中怨：即得解脫

無盡意觀世音菩薩摩訶：巍巍如是

若有衆生多於淫欲常念：便得離癡

無盡意觀世音菩薩有如：常應心念

若有女人設欲求男恭敬：衆人愛敬

無盡意觀世音菩薩有如：福不唐捐

是故衆生皆應受持觀世音菩薩名號

無盡意若有人受持六十：不可窮盡

無盡意受持觀世音菩薩：福德之利

無盡意菩薩白佛言世尊：其事云何

佛告無盡意菩薩善男子：而爲說法

無盡意是觀世音菩薩成：度脫衆生

是故汝等應當一心供養：施無畏者

無盡意菩薩：珍寶瓔珞

時觀世音菩薩不肯受之

無盡意復白：受此瓔珞

爾時佛告觀：受是瓔珞

即時觀世音：多寶佛塔

無盡意觀世：娑婆世界

假使興害意：火坑變成池

或漂流巨海：波浪不能沒

或在須彌峯：如日虛空住

或被惡人逐：不能損一毛

或值怨賊繞：咸即起慈心

或遭王難苦：刀尋斷斷壞

或囚禁枷鎖：釋然得解脫

呪詛諸毒藥：還著於本人

或遇惡羅刹：時悉不敢害

若惡獸圍繞：疾走無邊方

旡蛇及蜈蚣：尋聲自迴去

雲雷鼓掣電：應時得消散

衆生被困厄：能救世間苦

具足神通力：以漸悉令滅

眞觀清淨觀：普明照世間

悲體戒雷震：滅除煩惱燄

爭訟經官處：衆怨悉退散

妙音觀世音：是故須常念

念念勿生疑：能爲作依怙

具一切功德：是故應頂禮

時持地菩薩：人功德不少

佛說是普門：皆發菩提心





妙法蓮華經會義普門品

明 藕益大師

普門品入文爲二初問答二聞品功德

戊初中二初長文二偈頌 己長文有兩番問答

庚初番爲二初問二答 辛今初

爾時無盡意菩薩卽從座起偏袒右肩合掌向佛而作是言世尊觀世音菩薩以何因緣名觀世音

爾時者說東方菩薩竟次應說西方菩薩時也界世

說東方生善竟次應說西方生善時人爲說東方斷

疑竟次應說西方斷疑時治對說東方得道竟次應



無盡

一境

三結

二知日

三觀

三智境  
合

說西方得道時第一無盡者境也。大品明空則無

盡真。大集明八十無盡門。華嚴明十種不可盡俗。

淨名云。夫無盡者。非盡非無盡。故名無盡。中意者

智也。卽一心三智也。智契於境。境隨智。空名無盡

意。空又意者。世出世之本也。智隨於境。境多智多。

名無盡意。假又意卽法界。一切皆是法界。故言能

觀心性。名爲上定。中而作是言者。具二莊嚴。故能

問也。以何因緣者。若就中眾生。則以善惡兩機爲因

聖人靈智慈悲爲緣。若就中菩薩。則以觀智慈悲爲

因。眾生機感爲緣也。

④二答三初總答。二別答。三勸持名答。卽大佛頂經所明十四無畏也。⑤今初。

佛告無盡意菩薩。善男子。若有無量百千萬億眾生受諸苦惱。聞是觀世音菩薩。一心稱名。觀世音菩薩。卽時觀其音聲。皆得解脫。

無量百千萬億眾生。標十法界種種機也。受諸苦惱。明別業所感果報各不同也。自有一人受一苦。一人受多苦。多人受一苦。多人受多苦。今顯人多苦多。並爲菩薩與拔之境也。遭苦由於二世之惡。聞名卽是二世之善。一心稱名。有事有理。如此善。



惡合爲機感也。卽時觀其音聲者應之速也。皆得  
解脫者應之普也。聞有四義。謂聞聞聞不聞不聞  
聞不聞不聞隨達一種。卽是四教。聞慧一心稱名  
卽四教思修二慧事。一心者謂念念相續不起雜  
想。理一心者謂了知此心非自他。其亦非無因。能  
稱所稱體是法界也。事一心解脫事難理一心解  
脫理難隨感必應如啐啄同時。若夫稱唱累年不  
蒙寸效者。祇由未臻事一心故。然亦能作未來得  
度因緣。故雖散心一稱名號。功無虛棄。但效有遲  
速耳。



⑤二別答三初約口業機明應。二約意業機明應。三約身業機明應。⑥初中二初明七難。二結歎。⑦初又七初火難。至七怨賊難。⑧今初若有持是觀世音菩薩名者。設入大火。火不能燒。由是菩薩威神力故。

⑨持名是善。入火是惡。善惡合爲機感。威神力故。火不能燒。卽是應也。果報火下從地獄上至初禪。皆論機應。惡業火下從地獄上至非想。皆論機應。煩惱火下從地獄上至等覺。皆論機應也。

⑩二水難。

若爲大水所漂。稱其名號。卽得淺處。

水漂是惡。稱名是善。以此爲機。得淺是應也。果報水下。從地獄上至二禪。惡業水通三界。煩惱水通九界。並論機感。

⑤三羅刹難。

若有百千萬億眾生。爲求金銀琉璃磈磈碼瑙珊瑚琥珀眞珠等寶。入於大海。假使黑風吹其船舫。飄墮羅刹鬼國。其中若有乃至一人。稱觀世音菩薩名者。是諸人等。皆得解脫羅刹之難。以是因緣。名觀世音。此羅刹難。亦是風難。果報羅刹在欲界。惡業羅刹



徧三界煩惱羅刹通九界。又果報風至三禪惡業風徧三界煩惱風通九界。各論機應並可例解。

⑤四刀杖難。

若復有人臨當被害稱觀世音菩薩名者。彼所執刀杖尋段段壞而得解脫。

果報刀杖局在地居惡業刀杖徧三界煩惱刀杖通九界也。

⑥五鬼難。

若三千大千國土滿中夜叉羅刹欲來惱人。聞其稱觀世音菩薩名者。是諸惡鬼尙不能以惡眼視之。況

復加害。

鬼難例前羅刹可解。言大千滿中者。假使之辭。意顯煩惱惡鬼彌滿。唯稱名能降伏之。

⑤六枷鎖難。

設復有人。若有罪若無罪。杻械枷鎖檢繫其身。稱觀世音菩薩名者。皆悉斷壞。卽得解脫。

有罪是現世惡。無罪是過去惡。在手曰杻。在足曰械。在頭曰枷。連身曰鎖。封名爲檢。縛名爲繫。果報枷鎖在欲界惡業。枷鎖遍三界煩惱。枷鎖通九界也。



⑤七。怨賊難。

若三千大千國土。滿中冤賊。有一商主。將諸商人。齎持重寶。經過險路。其中一人。作是唱言。諸善男子。勿得恐怖。汝等應當一心稱觀世音菩薩名號。是菩薩能以無畏施於眾生。汝等若稱名者。於此怨賊。當得解脫。眾商人聞。俱發聲言。南無觀世音菩薩。稱其名。故卽得解脫。

大千滿中。亦假設之辭。奪命名冤。劫財名賊。果報冤賊。在欲界惡業冤賊。遍三界煩惱冤賊。通九界。觀心釋者。大千滿中冤賊。無始煩惱種子。集在第十

八藏識中也。有一商主第六識也。諸商人徧行別境及諸善心所也。重寶出世三乘法也。經過險路諸對治法與諸煩惱相遇也。其中一人或是勝解或是善慧或是信也。一心稱名四教聞思修慧也。俱發聲者心王與諸善心所決相應也。卽得解脫者證於四教所詮理也。又此七難卽表眾生身有六大火卽火大。水卽水大。風卽風大。刀杖枷鎖皆卽地大。三千大千以表空大。羅刹冤賊以表識大。觀音菩薩觀此六大皆如來藏。一一卽空假中自既解脫故能令他解脫。眾生迷此六大之性枉受



果報惡業煩惱諸難。然正迷時。性德無改。原與菩薩體同。故聞名稱念。隨其解有偏圓。行有淺深。所得四教四益。亦有差別。究竟終得一切種智。則無別也。初明七難竟。

⑤二結歎。

無盡意。觀世音菩薩摩訶薩。威神之力。巍巍如是。

巍巍者。高顯也。功超九界。故高名彰。三土故顯。初約口業。機明應竟。

⑥二約意業。機明應二。初明三毒。二結歎。⑦今初。

若有眾生多於姪欲常念恭敬觀世音菩薩便得離  
欲若多瞋恚常念恭敬觀世音菩薩便得離瞋若多  
愚癡常念恭敬觀世音菩薩便得離癡

多欲恚癡是惡常念恭敬是善此二爲機得離卽  
是應也事欲事恚局在欲界事癡卽通三界理三  
毒者三乘以耽真爲欲畏俗爲瞋不了生死涅槃  
如幻爲癡出假菩薩以遊戲神通爲欲訶厭二乘  
爲瞋不達中道爲癡地前菩薩以中道似愛爲欲  
雙捨二邊爲瞋無明未破爲癡乃至等覺後心猶  
有微細無明未破卽有微細欲恚未除今由大悲



○菩薩從初發心。觀此貪瞋癡等煩惱。皆是因緣生  
法。一一卽空假中。卽空故離凡夫三毒。卽假故離  
二乘三毒。卽中故離菩薩三毒。成就不可思議三  
種善根。亦是成就不可思議大貪大瞋大癡法門。  
故令常念恭敬之者。隨解偏圓。隨行淺深。得離亦  
有種種差別。究竟歸於無差別也。

⑤二結歎。

無盡意。觀世音菩薩。有如是等大威神力。多所饒益。  
是故眾生常應心念。

二約意業機明應竟。

癸三約身業機明應二初明二求二結歎 子今

初

若有女人設欲求男禮拜供養觀世音菩薩便生福德智慧之男設欲求女便生端正有相之女宿植德本眾人愛敬

求男求女獨標女人者女人以無子爲苦。夫主所棄並婦所輕。旁人所笑。故也。禮拜供養是機感。便生男女。是普應也。法門解者。四教未證實理。皆名女人。四教各論慧男定女。良由大士先證權實男女。故能爲增上緣。令諸行人各得成就。諸定慧也。



又欲界有慧無定是狂男。無色有定無慧是癡女。  
四禪定慧均平如福德男端正女也。然男無破惑  
之功。女無出生無漏之力。此亦無用男女。藏通兩  
教二乘。慧能斷見思惑是幹事之男。定能發生無  
漏是有嗣之女。然慧不能破無明見佛性則男而  
不男。定不能懷中道子則女猶石女。故大經云。二  
乘定多慧少。不見佛性。菩薩慧多定少。亦不見佛  
性也。唯別教初地真明慧發。無緣慈成。乃名真正  
男女。圓教初住見中道時。定慧具足。男女相滿。故  
男名福德。是有定之慧。女名端正是有慧之定也。

⑤二結歎。

無盡意。觀世音菩薩。有如是力。若有眾生恭敬禮拜觀世音菩薩。福不唐捐。

唐捐。謂虛棄此句。兼釋疑也。亦有禮拜不得男女者。唯由機淺。故所求未遂。而禮拜之福。終必不失也。二別答竟。

⑥三勸持名答三。初勸持。二格量。三結歎。⑦今初。

是故眾生皆應受持觀世音菩薩名號。

上說觀音得名因緣。其力廣大。既不辨形質。但是



述名論德。若欲歸崇。宜受持名號。故結勸持名也。  
良由萬德洪名。稱實所召。只此一名一字。法爾具  
足三千性相。三諦妙理。法爾圓收。頓漸偏圓。權實  
妙智。法爾理智。本自不二。不二而二。理智宛然。舉  
一假名。則一切假名。一切實法。一切國土。無不歸  
趣此假名中。是故聞名功德。已自不可思議。受持  
功德。尤不可思議也。持名既爾。想彼正報。依報。亦  
復如是。故知阿彌陀經。觀無量經。與此妙經。同一  
圓頓。甚深。希有。法門。無有優劣。

癸二格量。

無盡意。若有人受持六十二億恆河沙菩薩名字。復盡形供養飲食衣服臥具醫藥。於汝意云何。是善男子善女人功德多不。無盡意言甚多。世尊。佛言。若復有人受持觀世音菩薩名號。乃至一時禮拜供養。是二人福正等無異。於百千萬億劫不可窮盡。

文有四意。一格量本。二問三答。四正格量也。格量本中共舉四多。六十二億恆沙是福田多。受持是持名多。盡形是時節多。飲食等四事供養是種子多。以此四多爲格量本也。問答可知。正格量中。還舉四少以格四多。但一觀世音則福田少。持名亦



少乃至一時則時少。禮拜供養不言四事則種子少。而功德正等無異。良由真如實際。一多無性。本自平等故也。觀音證此實際故。一則非一。與多正等。六十二億證此實際故。多則非多。與一正等。一中解無量。故說六十二億。無量中解一。故說觀世音耳。占察經云。能聞我名者。卽爲聞十方佛名。亦是此意。

癸三結歎

無盡意。受持觀世音菩薩名號。得如是無量無邊福德之利。

初番問答。明眾生三業顯機爲境。法身靈智冥應。境智因緣名觀世音竟。

庚次番亦二初問二答。辛今初。

無盡意菩薩白佛言。世尊。觀世音菩薩云何遊此娑婆世界。云何而爲眾生說法。方便之力其事云何。

問有三意。一云何遊。是問身業。二云何說是問口業。三方便云何。是問意業。卽是三輪不思議化。亦名三不護三無失也。不思議化者。化作佛身亦卽化作佛口佛心。乃至化作執金剛神。亦卽化作金剛心口。雖屈曲利物。而於法身智慧無所損減。故



淨名云。善能分別諸法相。於第一義而不動。不動而動。名不思議化也。問。意業云何可化。答。聖意無能測者。若欲示之。乃至昆蟲亦令得知。故唯識云。無上覺者。神力難思。化無量類。皆令有心也。不護者。住不思議圓普法門。實不作意計校籌量次第。經營。譬如明鏡。隨對卽現。無有分別。亦無前後也。無失者。眾生根機不同。淺深有異。觀音雖不作念逗機。而逗機無失契。當前人冥會事理也。

辛二答三初別答二總答三勸供養 壬今初

佛告無盡意菩薩。善男子。若有國土眾生。應以佛身

得度者觀世音菩薩卽現佛身而爲說法應以辟支  
佛身得度者卽現辟支佛身而爲說法應以聲聞身  
得度者卽現聲聞身而爲說法應以梵王身得度者  
卽現梵王身而爲說法應以帝釋身得度者卽現帝  
釋身而爲說法應以自在天身得度者卽現自在天  
身而爲說法應以自在天身得度者卽現自在天  
天身而爲說法應以天大將軍身得度者卽現天大  
將軍身而爲說法應以毘沙門身得度者卽現毘沙  
門身而爲說法應以小王身得度者卽現小王身而  
爲說法應以長者身得度者卽現長者身而爲說法



應以居士身得度者卽現居士身而爲說法應以宰  
官身得度者卽現宰官身而爲說法應以婆羅門身  
得度者卽現婆羅門身而爲說法應以比丘比丘尼  
優婆塞優婆夷身得度者卽現比丘比丘尼優婆塞  
優婆夷身而爲說法應以長者居士宰官婆羅門婦  
女身得度者卽現婦女身而爲說法應以童男童女  
身得度者卽現童男童女身而爲說法應以天龍夜  
叉乾闥婆阿修羅迦樓羅緊那羅摩睺羅伽人非人  
等身得度者卽皆現之而爲說法應以執金剛神得  
度者卽現執金剛神而爲說法

應以之言。答意業方便能知機宜現身。答身業說法。答口業。三業本不相離也。此中別明三十三身。若并人及非人。則是三十五身。大佛頂經明三十二應。開出獨覺別爲一。合四婦女但爲一。略不言迦樓羅。文有開合。義無增減。總而言之。止是十法界身耳。不言菩薩身者。正就菩薩法界廣明現餘九法界像。以顯十界互具重重無盡之意也。不言地獄界者。攝在非人中。若有國土眾生者。實報方便同居三種國土十法界機也。實報土中純以菩薩而爲眾生。唯有一佛界機。方便土中有九種。



眾生謂藏教二乘無學通教三乘斷通惑人別三  
十心圓教十信也。有二種機。一是佛界機。二是菩  
薩界機也。同居土中具足九界眾生及十界機對  
機設應。具須十界佛身。又有四教相別。辟支又有  
緣獨不同聲聞。又有析法體法。四向四果及示隨  
五味展轉調伏不同。既現梵王。理應亦現光音徧  
淨二王。既現帝釋。理應亦現夜摩兜率化樂三王。  
自在。即欲界主。大自在。即四禪主。既云毘沙門。亦  
必現餘三天。故佛頂直云四天王也。既云小王。亦  
必應現四種輪王。既云人非人等。言人則老少貴

賤何所不收。言非人。則地獄鬼畜何所不收。故下文云。以種種形遊諸國土。但可意知。豈可言盡。爲說法者。隨其所堪。或權或實。或頓或漸。或顯或密。令得權實四益。究竟終歸一實益耳。

壬二總答

無盡意。是觀世音菩薩成就如是功德。以種種形遊諸國土。度脫眾生。

前別答三十五身文。廣而意狹。此總答如是功德文。狹而義廣。以種種形。則不止三十五身。遊諸國土。則不局娑婆世界明矣。



⑦三勸供養二初勸二受旨。⑧今初。

是故汝等應當一心供養觀世音菩薩。是觀世音菩薩摩訶薩。於怖畏急難之中。能施無畏。是故此娑婆世界皆號之爲施無畏者。

旣名觀世音。亦名施無畏者。從德受名。德旣無盡。名亦無盡也。

⑨二受旨。六初奉命。二不受。三重奉。四佛勸。五受已轉奉。六歎結。⑩今初。

無盡意菩薩白佛言。世尊。我今當供養觀世音菩薩。卽解頸眾寶珠瓔珞。價直百千兩金。而以與之。作是

白。仁者受此法施珍寶瓔珞。

眾寶珠瓔珞者。眾寶間珠共爲嚴飾也。無盡意位高瓔珞何止直百千兩。如云百姓萬民不止一百一萬也。又頸表中道一實之理。以眾多無盡法門莊嚴實相。如瓔珞在頸解者。表菩薩爲常捨行。故一切願行功德。乃至佛智菩提涅槃。亦不住不著。無依無倚。故言解也。大集云。戒定慧陀羅尼以爲瓔珞莊嚴法身。百千是十萬表。十地各有萬德也。法施者。財卽是法。財是因緣生法。卽空卽假卽中。三諦一心。一切具足。於法平等。於財亦等。如此施。



者卽是法施也。

②二不受。

時觀世音菩薩不肯受之。

約事則無盡意奉命供養。我未奉命故不肯受。禮  
應遜讓也。約表法則不受三昧廣大之用。故無所  
受。

③三重奉。

無盡意復白觀世音菩薩言。仁者愍我等故受此瓔  
珞。

或請上愍下。或地位相齊。亦可相愍。或我爲四眾

故施仁愍四眾而受。以無所受而受諸受也。

⑤四佛勸。

爾時佛告觀世音菩薩。當愍此無盡意菩薩及四眾。天龍夜叉乾闥婆阿修羅迦樓羅緊那羅摩睺羅伽人非人等。故受是瓔珞。

正以菩薩爲物故。施亦應爲物故受也。

⑥五受已轉奉。

卽時觀世音菩薩愍諸四眾。及於天龍夜叉乾闥婆阿修羅迦樓羅緊那羅摩睺羅伽人非人等。受其瓔珞。分作二分。一分奉釋迦牟尼佛。一分奉多寶佛塔。



⑨  
祇一法施瓔珞分作二分。表一實相。舉體作事理。二因也。奉二佛者。表以二因趣二果也。理圓卽法。佛事圓卽報佛。還以二佛表二果也。

⑩ 六歎結

無盡意。觀世音菩薩。有如是自在神力。遊於娑婆世界。

初長文竟

⑪ 二偈頌什公不譯。故舊本皆無。文句義疏亦皆不釋。續高僧傳云。偈是闍那掘多所譯。今流通本既並增入。故科註中依慈雲師所分之科而

消釋之。大科爲三。初雙頌兩問。二雙頌兩答。三

雙頌兩勸。庚今初。

爾時無盡意菩薩以偈問曰。

世尊妙相具。我今重問彼佛子。何因緣名爲觀世音。

初句歎佛德。次句雙含二問。後二句別頌初問也。

庚二雙頌兩答。二初加頌總歎行願。二別頌兩答。

辛今初。

具足妙相尊。偈答無盡意。汝聽觀音行。善應諸方所。

宏誓深如海。歷劫不思議。侍多千億佛。發大清淨願。

初二句經家敘辭。次六句佛正答也。汝聽者誠令



生三慧也。觀音行者。一心三智。觀十界音。令無量苦。一時解脫。卽已成利他行也。善應諸方所者。不動真心。垂形三土。三十二應處處現往。卽普門神通力也。此二句總歎所尅真應二身也。宏誓深如海者。明其初發心時。緣於無作四諦。故橫該十界。豎徹三諦。廣且深也。愿劫等者。明其中間以行填願。所經時久。所侍佛多。所發願大。故得成今真應二身。譬如水漲船高。泥多佛大也。

辛二別頌兩答二。初頌前答。二頌後答。壬初中

二初頌總答。二頌別答。癸今初。

我爲汝略說聞名及見身心念不空過能滅諸有苦略說者舉要而言也聞名故稱口業機也見身故

禮身業機也心念意業機也諸有二十五有也

二頌別答二初頌七難二頌三毒二求子初

中十二初頌第一火難至十二加頌雷雨難

丑今初

假使興害意推落火坑念彼觀音力火坑變成池念彼觀音者若就佛說觀音爲彼卽約師弟假分彼此若就眾生念彼觀音卽約感應暫分彼此師弟感應無非法界能所宛然能所斯絕眾生念自



心中之彼觀音。觀音應自心中之彼眾生。感應道交。不可思議。

⑤二頌第二水難。

或漂流巨海。龍魚諸鬼難。念彼觀音力。波浪不能沒。

⑥三加頌墮須彌難。

或在須彌峰。爲人所推墮。念彼觀音力。如日虛空住。約事。卽是假設之辭。設使從須彌墮。尙不損傷。況餘山耶。約觀解者。本在中道實相性德。須彌山王。無明惡人。推墮二死海中。念彼觀音三智三德。便同諸佛住。無所住。

⑤四加頌墮金剛山難。例須彌難可解。

或被惡人逐墮落金剛山。念彼觀音力。不能損一毛。

⑤五超頌第七冤賊難。

或值冤賊繞。各執刀加害。念彼觀音力。咸卽起慈心。

⑤六追頌第四刀杖難。

或遭王難苦。臨刑欲壽終。念彼觀音力。尋段段壞。

⑤七追頌第六枷鎖難。

或囚禁枷鎖。手足被杻械。念彼觀音力。釋然得解脫。

⑤八加頌呪咀毒藥難。

呪詛諸毒藥。所欲害身者。念彼觀音力。還善於本人。



呪使鬼神往殺前人。若前人有種種福德所護。不可殺者。法須還著本人。密部明之甚詳。須知還著本人。亦復具有四悉檀益。蘇軾改云兩家俱沒事者。見識單淺。未知折攝之妙也。

⑤九追頌第五鬼難。

或遇惡羅刹毒龍諸鬼等。念彼觀音力。時悉不敢害。

⑤十加頌惡獸難。

若惡獸圍繞。利牙爪可怖。念彼觀音力。疾走無邊方。

⑤十一加頌蛇蠍難。

虺蛇及蝮蠍。氣毒煙火然。念彼觀音力。尋聲自迴去。

⑤十二加頌雷雨難

雲雷鼓掣電降雹澍大雨。念彼觀音力應時得消散。  
正頌七難加頌有五。其爲十二。皆須具約果報惡。  
業煩惱六道四教一一釋之。若約所表不出六大。  
須彌金剛亦是地大。雷電火大。雹雨水大。獸蛇呪。  
詛皆表識大。菩薩因中觀此六大。卽空假中。今住。  
六種如實之際。故徧法界救諸苦惱。以要言之。一。  
切依正皆是觀音妙色妙心。一切眾生於聖色心。  
而自爲難。如閻中觸寶自傷其身。三業求救亦卽。  
觀音是故機成。卽時而應。當以此義念念觀之。何。



患不同。觀音利物。初頌七難竟。

⑤ 二頌三毒二求。

眾生被困厄。無量苦逼身。觀音妙智力。能救世間苦。  
界內界外。皆有三毒之苦。皆有無男無女之苦。故  
無量也。初頌前答竟。

⑥ 二頌後答。二初正頌示現。二加頌顯機顯應。

⑦ 初正頌示現。長文有別有總。別明三十二應。  
總明身多境多。今不分總別。但通明三輪不思  
議化。卽分爲三。初明身業普應。二明意業普觀。  
三明口業普說。⑧ 今初。

具足神通力。廣修智方便。十方諸國土。無刹不現身。  
種種諸惡趣。地獄鬼畜生。生老病死苦。以漸悉令滅。  
具足神通力者。百界千如全體之妙用也。廣修智  
方便者。權實二智照性以發通也。上文但以非人  
二字含三惡趣。今具出之。故知具十法界身也。分  
段變易各有四相之苦。以漸悉令滅。歸於常寂光  
或權或實。循循善誘。合宜而用藥。不執方明矣。

⑤ 二明意業普觀

真觀清淨觀。廣大智慧觀。悲觀及慈觀。常願常瞻仰。  
無垢清淨光。慧日破諸暗。能伏災風火。普明照世間。



初一偈明所證體。次一偈明所起用也。真觀者證  
不思議空也。清淨觀者證不思議假也。廣大智慧  
觀者證不思議中也。悲觀者以不思議三觀與諸  
眾生同一悲仰也。慈觀者以不思議三觀與佛如  
來同一慈力也。同慈力故云常願同悲仰。故常瞻  
仰。由深證此一心三觀。故發無垢清淨光明。名爲  
慧日。能破十界三惑闇之集諦。能伏十界二死災  
風火之苦諦。能與十界道滅而普明照世間也。

⑤三明白業普說。

悲體戒雷震慈意妙大雲。澍甘露法雨滅除煩惱燄。

欲說大法。必依身意。以爲授法之本。爲度眾生。現身說法。故所現身。名爲大慈悲體。與下慈意互舉一字相影略耳。先用戒德警人。如天震雷。物無不肅。故云悲體戒雷震也。拔苦與樂。名爲大慈悲意。無緣而被名之爲妙。物無不覆。譬如大雲。故云慈意妙大雲也。諸天甘露服之不死。所澍法雨亦復如是。聞者悟道證常住命。三惑煩惱苦。飭滅除。與拔同時。十界皆得度也。初正頌示現竟。

○癸二加頌顯機顯應

諍訟經官處。怖畏軍陣中。念彼觀音力。眾冤悉退散。



長文三十二應。應雖屬顯機。則或冥或顯。不可定判。今頌旣云。念彼觀音。則灼然是顯機也。諍訟怖畏。亦須果報惡業煩惱三釋。或此亦是加頌七難偶錯簡耳。但云眾冤退散。或仍是冥應也。二雙頌兩答竟。

庚三雙頌兩勸。二初頌前番勸持名。二頌後番勸供養。辛初中。二初明境智深妙。以勸常念。二明感應難測。以勸勿疑。壬今初。

妙音觀世音。梵音海潮音。勝彼世間音。是故須常念。此明菩薩有種種德。具種種名。一一名字並詮法。

界圓融不思議德故須念也。卽權而實名爲妙音。  
卽實而權名觀世音。契本淨性名爲梵音。契十界  
機名海潮音。權實不二。自他不二。故勝彼十法界  
世間音也。權卽實故。他卽自故。勝於別教所詮九  
界迷理起惑實。卽權故。自卽他故。勝於別教所詮  
佛界緣理斷九也。所以觀音一名。門與六十二億  
名號功德正等。

⑤二明感應難測以勸勿疑。

念念勿生疑。觀世音淨聖於苦惱死厄能爲作依怙。  
疑去則念成。念成則二死可脫。故勸勿疑。初頌前



番勸持名竟。

辛二頌後番勸供養。

具一切功德慈眼視眾生。福聚海無量是故應頂禮。  
頂禮卽是三業供養也。初問答竟。

戊二聞品功德。一初持地歎證。二經家述益。 己

今初。

爾時持地菩薩卽從座起。前白佛言。世尊。若有眾生  
聞是觀世音菩薩品自在之業。普門示現神通力者。  
當知是人功德不少。

自在之業。謂于七難三毒二求皆得大自在也。普

門示現。謂現十法界身。方便說法也。聞者功德已  
自不少。況受持讀誦。解說書寫。如說修行者乎。然  
非通別釋題。安令聞者獲大功德。故須持地菩薩  
而歎證之。大佛頂經云。毘舍浮佛摩頂。謂我當平  
心地。則世界地一切皆平。我卽心開見身微塵。與  
造世界所有微塵等無差別。悟無生忍。聞諸如來  
宣妙蓮華。佛知見地。我先證明而爲上首。蓋旣悟  
地大本如來藏。卽悟七大皆如來藏。旣悟七大皆  
如來藏。卽悟五陰六入十二處十八界皆如來藏。  
旣悟陰入處界皆如來藏。卽悟七難三毒乃至十



法界身皆如來藏故能證此聞品功德也。

②二經家述益。

佛說是普門品時。眾中八萬四千眾生皆發無等等阿耨多羅三藐三菩提心。

無等等者。無上菩提無與等者。得此理已。等一切法皆成。無上如世仙丹。無與等者。能點他物亦成仙丹。此約開顯之圓。橫收一切皆歸一實也。又究竟佛果。無與等者。初發心時。即便等之。如轉輪王。無與等者。太子初生。即便等之。此約實相之體。豎談因果。初後宛然也。又心即理。理即心。心外無理。

理外無心。心之與理。但有名字。名字性空。俱不可說。將何物等何物。而云無等等耶。不可說而說。說此心等此理。是故言無等等。此約雙遮雙照。非橫非豎。而橫而豎也。發心有三一。觀行發心。二相似發心。三分證發心。今必是分證也。約化他勸流通。中二勗受法弟子竟。

釋普門品竟

大專學生齋戒學會解門參考書

民國七十五年仲夏

蓮因寺敬印





